

漢魏六朝百三家集


宋

第五十五冊

袁陽源
謝法曹

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

V.55



袁陽源集

袁陽源集題詞

史載袁氏世多忠烈若陽源死於元
凶名爲風霜松筠不虛也或責彼旣
志不從亂曷不疾驅告變出君險阨
然事發倉猝身閉宮省翹首君門叫
呼莫屬儒者雍容亦莫可如何耳陽

源排諧集文皆調笑其於藝苑亦博
塞之類也禦虜議世譏其誕然文采
道艷才辯鮮及卽不得爲儀秦縱橫
方諸燕然勒銘廣成作頌意似欲無
多讓詩章雖寡其摹古之篇風氣竟
逼建安此人不死顏謝未必能出其

上也彭城少文情好不接劉湛貴盛
未輕襖裾文人寡合其落拓之性固
然

婁東張溥題

源排諸集文皆詞矣其於藝苑亦

老之類也無庸議世故其然文采

且絕才辭能及東東衆軒輊

然請燕然勒銘廣成作年

未彈姍姍文人寡合其辭亦之世固

士所道壯少文辭我不待隱事貴盛

宋袁陽源集目錄

賦

桐賦

秋晴賦

議

禦虜議章

章

謝中丞章書

書

書 與始興王濬書

與何尚之書

傳

真隱傳

禱文

弔古文

雞九錫文

賀表

驢山公九錫文

大蘭王九錫文

常山王九錫文

遊新亭曲水詩序

詩

效子建白馬篇

效古

詠冬至

種蘭

登宣城郡

啄木詩

附錄

本傳

袁陽源集目錄終

宋袁陽源集卷全

宋 袁淑陽源 著

明 張溥西銘 閱

賦

桐賦

越衆木之薰狗，勝襍樹之藻緝。信爽榦以弱枝，寔裏素而表綠。若乃根莢條茂，跡曠心冲。貞觀於曾山之陽，抽景於少澤之東。被籍兮煙霞，裊珮兮星虹。儀丹邱之瑞羽，棲清都之仙宮。

秋晴賦

是月也，聲暑合朝，野分霆收，耀虹戢文，炎都塞埃，旻寓滌氛，曳悲泉之凝霧，轉絕垠之嚴雲。

議

禦虜議

淑元嘉末爲御史中丞時索虜南侵至瓜步太祖使百官議防禦之術淑上議

臣聞函車之獸。離山必斃。絕波之鱗。宕流則枯。羯寇遺醜。趨致畿甸。蟻萃螽集。聞已崩殪。天險巖曠。地限深遐。故全魏戢其圖。盛晉輟其議。情屈力殫。氣挫勇竭。諒不虞於來臨。本無怵於能濟矣。乃者變定。攜遠阻違。授律由將。有弛拙故士少鬪志。圍潰之衆。匪寇傾淪。攻制之師。空自

班散濟西勁騎。急戰薨旅。淮上訓卒。簡備靡旗。
是由綏整寡衷。戎昭多昧。遂使拷潞入患。泉伊
來擾。紛殄姬風。泯毒禹績。騰書有渭陰之迫。懸
鋒均咸陽之警。然而切揣虛實。伏匿先彰。按索
伎能。譎詭旣顯。綿地千里。彌行阻深。表裏躋陔。
後先介逼。捨陵衍之習。競湍沙之利。今虹見萍
生。土膏泉動。津陸陷溢。疢禍游興。芻藁已單。米
粟莫係。水寓衿帶。進必傾竇。河溢扁固。退亦隳
滅。所謂栖鳥於烈火之上。養魚於叢棘之中。或

謂損緩江右。寬繕淮內。竊謂拯扼閩城。舊史爲
允棄遠涼土。前言稱非限此要荒。猶弗委割。况
聯被京國。咫尺神甸。數州摧掃。列邑殲夷。山淵
反覆。草木塗地。今邱賦千乘。井竽萬集。肩摩倍
於長安。締袂百於臨淄。什一而籍。實慊民願。履
畝以稅。旣洽農和。戶兢戰心。人含銳志。皆欲贏
糧。請奮釋緯。乘城謂宜。懸金鑄印。要壯果之士。
重幣甘辭。招推決之。將舉薦板。築之下抽。登臺
皂之間。賞之以焚書報之。以相爵。俄而昭才賀

闕。異能問至。戎貪而無謀。肆而不整。逃乎向背
之次。謬於合散之宜。犯軍志之極害。觸兵家之
甚諱。咸畜憤矣。僉策戰矣。稱願影從。謠言緡命。
宜選敢悍數千。驚行潛掩。偃旗裹甲。鉗馬銜枚。
會稽而起。晨壓未陣。旌譟亂軍。火鼓四臨。使景
不暇移塵。不及起。無不禽。鍛獸讐。冰解霧散。埽
洗哨類。漂鹵浮山。如有決。罌漏網。逡窠逗穴。命
淮汝戈船。遏其還逕。交部勁卒。梗其歸塗。必翦
元雄。懸首麾下。乃將隻輪不返。戰轉無旋矣。於

是信臣騰威。武士繕力。緹組接陰。鞞析聯響。若
其僞遁羸張。出沒無際。楚言漢旃。顯默如神。固
已日月蔽虧。川谷蕩質。負塞殘孽。阻山燼黨。收
險竊命。憑城借土。則當因威席卷。乘機芟剿。泗
汴秀士。星流電燭。徐阜嚴兵。雨湊雲集。蹙亂喪
溪之北。搖潰瀚海以南。絕其心根。勿使能植。銜
索之枯。幾何不蠹。是由涸澤而漁。焚林而狩。若
浚風之儻輕籜。杲日之拂浮霜。旣而尉洽荷掠
之餘。望弔網悲之鬼。然後天行樞運。焱舉烟升。

青蓋西巡。翠華東幸。經啓州野。滌一軫策。俾高
闕再勒。燕然後銘。方乃奠山沉河。創禮輯策。闡
耀炎昊之遺則。貫軼商夏之舊文。今衆賈拳勇。
而將術疎怯。意者稔泰日積。承平歲久。邑無驚
赴之急。家緩餽戰之勤。闕閱訓之禮。簡參屬之
飾。且亦薦採之法。庸未蕝歟。若乃邦造里選。擢
論深切。躬環盡幽。斬帶尋遠。設有沉明能照。俊
偉自宣。誠感泉雨。流通金石。氣懾飛賁。知窮直
起。審邪正順逆之數。達昏明損益之宜。能揆合

民心愚。獻物性。登丹墀。而敷策。躡青蒲。而揚謀。
上說辰鑒。下弭素言。足以安民紓國。救災恤患。
則宜拔過寵貴之上。褒升戚舊之右。別其旂章。
榮其班祿。出得專譽。使不稟命。降席折節。同廣
武之請。設壇致禮。均淮陰之授。必有要盟之功。
竊符之捷。夷裔暴狼。內外侮棄。始附之衆。分茂
無序。蠱以威利。勢必攜離。首順之徒。靡然自及。
今來繹故典。灑上纓。綏剪焉。幽播折首。凶狡是
猶眇者。願明痿之思。步動商遄。會功終易。感劫。

晉○在○於○善○覘○全○鄭○實○寄○良○謀○多○縱○反○間○汨○惑○心○
耳○發○險○易○之○前○抵○興○喪○之○術○衝○其○猜○伏○拂○其○嫌○
嗜○汨○以○連○率○之○貴○餌○以○析○壤○之○資○罄○筆○端○之○用○
展○辭○鋒○之○銳○振○辯○則○堅○圍○可○解○馳○羽○而○巖○邑○易○
傾○必○府○鬲○土○崩○枝○幹○瓦○裂○故○燕○樂○相○侮○項○范○交○
疑○矣○或○乃○言○約○功○深○事○邇○廣○應○齊○圍○反○駕○趙○養○
還○君○盡○輿○誦○之○道○畢○能○事○之○效○臣○幸○得○出○內○層○
禁○游○心○明○代○澤○與○身○泰○恩○隨○年○行○無○以○逢○迎○昌○
運○潤○飾○鴻○法○今○塗○有○遺○鏃○蠆○未○息○蜂○敢○思○涼○識○

少酬閔施。但坐幕旣乏昭文。免胄不能致果。竊
觀都護之邊論。屬國之兵謨。終晁之抗辭。杜耿
之言事。咸云及經之棘。猶闕上竿。燭郭之敬。裁
收下策。自恥懦木。智不綜微。敢露昧見。無會昭
採。

圭陽淚集

卷全

章

謝中丞章

竊惟此職。昭贊實預。損益必須兼。威正刺骨。
窮文。使權家勳族。不敢藉強而侮物。威門右姓。
不得稱雄以掩衆。昔傳威治。臣僚戢懼。孫寶
移疾。卿尹皆怠。

詩云
不將
神文
神非
協中
至

書

與始興王濬書

濬嘗送錢三萬餉淑一宿復遣追取
謂使人謬誤欲以戲淑淑與濬書

袁司直之視館敢寓書於上國之宮尹日者猥
枉泉賦降委弊邑弊邑敬事是遑無或違貳懼
非郊贈之禮覲饗之資不虞君王惠之於是也
是有慚焉弗圖旦夕發咫尺之記籍左右而請
以爲胥授失旨爰速先弊曾是附庸臣委末學
孤聞者如之何弗疑且亦聞之前志曰七年之

中。一與一奪。義士猶或非之。况密邇旬次。何其
哀益之亟也。藉恐二三諸侯。有以觀大國之政。
是用敢布心腹。弊室弱生。砥節清廉。好是潔直。
以不邪之故。而貧聞天下。甯有味夫。嗟金者哉。
不腆供賦。束馬先璧。以俟命。惟執事所以圖之。
與何尚之書

尚之爲尚書令。領太子詹事。致仕於方
山。著退居賦。以明所守。而議者咸謂尚
之不能固志。淑爲太子左衛率。與
尚之書。詔書敦勸。尚之復攝職。

昨遣修問承丈人已晦。志山田雖曰年禮宜遵。

亦事難斯貴。俾疎班邴魏。通美於前策。龔貢山
衛。淪慙乎曩篇。規迫休告。雪滌素懷。冀尋幽之
歡。畢缺立之適。但淑逸操偏迴。野性膏滯。果滋
冲寂。必沈樂忘歸。然而已。議塗聞者。謂丈人徽
明未耗。譽業方籍。儻能屈事康道。降節殉務。舍
南瀕之操。淑此行求決矣。望眷有積。約日無誤。
尚之宅在南澗
寺側故云南瀕

袁陽源集

卷全

九

傳

真隱傳

鬼谷先生不知何許人也。隱居韜智，居鬼谷山。因以爲稱。蘇秦張儀師之，遂立功名。先生遺書責之曰：若二君豈不見河邊之樹乎？僕御折其枝，波浪盪其根。上無徑尺之陰，身被數尺之痕。此木豈與天地有仇怨，所居然也？子不見嵩岱之松柏，華霍之檀桐乎？上枝干於青雲，下根通于三泉，千秋萬歲，不受斧斤之患。此木豈與天

地有骨肉哉。蓋所居然也。

襍文

弔古文

賈誼發憤於湘江。長卿愁悉於園邑。彥真因文以悲出。伯喈銜史而求入。文舉疏誕以殃速。德祖精密而禍及。夫然不患思之貧。無苦識之淺。士以伐能見斥。女以驕色貽遣。以往古爲鏡鑒。以未來爲鍼艾。書余言於子紳。亦何勞乎著蔡。

鷄九錫文

維神雀元年歲在辛酉八月己酉朔十三日丁

西帝顓頊遣征西大將軍下雉公王鳳西中郎
將白門侯扁鵲咨爾浚鷄山子維君天姿英茂
乘機晨鳴雖風雨之如晦抗不已之奇聲今以
君爲使持節金西蠻校尉西河太守以揚州之
會稽封君爲會稽公以前浚鷄山子爲湯沐邑
君其祇承予命使西海之水如帶浚鷄之山如
礪國以永存爰及苗裔

賀表

浚山侍郎丁鴻舍人鳧亭男梁鴻郎中蘇鵠死

罪伏惟君德著朝野。勲加鵷鷺。故天下鳳皇特
錫位封。今鳳鵲等在柏外。願時拜受。不勝欣豫
之情。謹詣栖下以聞。

驢山公九錫文

若乃三軍陸邁。種運艱難。謀臣停筭。武夫吟歎。
爾乃長鳴上黨。慷慨應官。崎嶇千里。荷囊致餐。
用捷大勲。厯世不刊。斯實爾之功者也。音隨時
興。晨夜不默。仰契玄象。俯協漏刻。應更長鳴。毫
分不忒。雖挈壺著稱。未足比德。斯又爾之智也。

若乃六合昏晦、三晨幽冥、猶憶天時、用不廢聲。
斯又爾之明也、青春絳身、長頭廣額、修尾後垂。
巨耳雙磔、斯又爾之相也、嘉麥旣熟、實須精麴。
負荷廻衡、迅若轉電、惠我衆庶、神祇獲薦、斯又
爾之能也、爾有濟師旅之勳、而加之以衆能、是
用遣中大夫閭邱騾加爾使銜勒、大鳴鴻臚班
脚大將軍宮亭侯以揚州之廬江、江州之廬陵、
吳國之桐廬、合浦之朱廬、封爾爲驢山公、

大亥十年九月乙亥朔十三日丁亥北燕伯使
使者豪豨冊命大蘭王曰、客惟君稟太陰之沈
精、標羣形於玄質、體肥腩而洪茂、長無心以遊
逸、資參養於人主、雖無爵而有秩、此君之純也、
君昔封國殷商、號曰豕氏、葉隆當時、名垂于世、
此君之美也、白躋彰於周詩、涉波應乎隆象、歌
詠出于人口、經千載而流響、此君之德也、君相
與野遊、唯君爲雄、顧羣數百、自西徂東、俯歎沫
則成霧、仰奮鬣則生風、猛毒必噬、有敵必攻、長

驅直突、陳無全鋒此君之勇也、

常山王九錫文

及至圖身失所。羈束人門。馴纓服制。惟意所牽。
登楹而遨、抱梁而眠、拾摝遺餘、容口所便、

游新亭曲水詩序

離、榭、修、幕、陵、墜、彌、阜、鑣、容、旆、綵、裊、野、麗、雲、

詩

效子建白馬篇

詩藪云宋齊之末靡極矣。而袁陽源白馬。虞子陽北伐。大有建安風骨。何從得之。

劍騎何翩翩。長安五陵間。秦地天下樞。八方湊
才賢。荆魏多壯士。宛洛富少年。意氣深自負。肯
事郡邑權。籍籍關外來。車徒傾國鄽。五侯競書
幣。羣公亟爲言。義分明於霜。信行直如弦。交歡
池陽下。留宴汾陰西。一朝許人諾。何能坐相捐。

影節去函谷。投珮出甘泉。嗟此務遠圖。心爲四海懸。但營身意遂。豈拔耳目前。俠烈良有聞。古來共知然。負一作許

效古

諱此倦遊士。本家自遼東。昔隸李將軍。十載事西戎。結車高闕下。極望見雲中。四面各千里。從橫起嚴風。寒燠豈如節。霜雨多異同。夕寐北河陰。夢還甘泉宮。勤役未云已。壯年徒爲空。迺知古時入。所以悲轉蓬。

詠冬至

連星貫初厯，令月臨首歲。薦樂行陰政，登金一作

歌

贊陽滯，收涼降天德。萌華宣地惠，司瑞記

初學

記作紀

夜晞書雲掌，朝誓

種蘭

南史云袁淑從母兄劉湛欲淑附已而淑不爲改意由是大相乖失淑乃賦詩

尋以病免

種蘭忌當門，懷璧莫向楚。楚少別玉人，門非植蘭所。

登宣城郡

悵焉訊舊老，茲前乃楚居。十代闕州記，百祀絕
方書。闕

啄木詩

集左氏

南山有鳥，自名啄木。飢則啄樹，暮則巢宿。無于
於人，唯志所欲。性清者榮，性濁者辱。

本傳

袁淑字陽源，陳郡陽夏人。丹陽尹豹少子也。少
有風氣，年數歲，伯湛謂家人曰：「此非凡兒。」至十
餘歲，爲姑夫王弘所賞，不爲章句之學，而博涉
多通，好屬文。辭采適豔，縱橫有才辯。本州命主
簿，著作佐郎、太子舍人，並不就。彭城王義康命
爲軍司祭酒。義康不好文學，雖外相禮接，意好
甚疎。劉湛，淑從母兄也，欲其附已，而淑不以爲
意。由是大相乖失，以久疾免官，補衡陽王義季

右軍主簿、遷太子洗馬、以脚疾不拜、衛軍臨川
王義慶雅好文章、請爲諮議參軍、頃之、遷司徒
左西屬、出爲宣城太守、入補中書侍郎、以母憂
去職、服闋、爲太子中庶子、元嘉二十六年、遷尚
書吏部郎、其秋大舉北伐、淑侍坐、從容曰、今當
鳴鑾中岳、席卷趙魏、撿玉岱宗、今其時也、臣逢
千載之會、願上封禪書一篇、太祖笑曰、盛德之
事、我何足以當之、出爲始興王征北長史、南東
海太守、淑始到府、濬引見、謂曰、不意舅遂垂屈

佐淑答曰。朝廷遣下官。本以光公府望。還爲御史中丞。時索虜南侵。遂至瓜步。太祖使百官議防禦之術。淑上議。淑喜爲誇誕。每爲時人所嘲。始興王濬嘗送錢三萬餉淑。一宿復遣追取。謂使人謬誤。欲以戲淑。淑與濬書。遷太子左衛率元凶將爲弑逆。其夜淑在直。二更許。呼淑及蕭斌等流涕謂曰。主上信讒。將見罪廢。省內無過。不能受枉。明旦便當行大事。望相與戮力。淑及斌並曰。自古無此願。加善思。劭怒變色。左右皆

動。斌懼。乃曰。臣昔忝伏事。常思効節。况憂迫如此。輒當竭身奉令。淑叱之曰。卿便謂殿下真有是耶。殿下幼時嘗患風。或是疾動耳。劭愈怒。因問曰。事當克不。淑曰。居不疑之地。何患不克。但既克之後。爲天地之所不容。大禍亦旋至耳。願急急息之。劭左右引淑等袴褶。又就主衣取錦。截三尺爲一段。又中破分斌淑及左右。使以縛袴。淑出環省繞牀。行至四更乃寢。劭將出。已與蕭斌同載。呼淑甚急。淑眠終不起。劭停車奉化門。

催之相續徐起至車後劭使登車又辭不上劭
因命左右與手刃見殺於奉化門外時年四十
六劭卽位追贈太常賜賻甚厚世祖卽位使顏
延之爲詔曰夫輕道重義亟聞其教世弊國危
希遇其人自非達義之至識正之深者孰能抗
心衛主遺身固節者哉故太子左衛率淑文韡
優洽秉尚貞慤當要逼之切意色不撓厲辭道
逆氣震凶黨虛刃交至取斃不移古之懷忠隕
難未云出其右者興言嗟悼無廢乎心宜在加

禮永旌。宋有臣焉。可贈侍中太尉。謚曰忠憲公。
又詔曰。袁淑以身殉義。忠烈邈古。遺孤在疚。特
所矜懷。可厚加賜卹。以慰存亡。淑及徐湛之。江
湛。王僧綽。卜天與四家。於是長給稟祿。文集傳
於世子幾。斂稜凝。標斂。世宗步兵校尉。凝。太宗
世御史中丞。出爲晉陵太守。太宗初與四方國
反。兵敗歸降。以補劉湛冠軍府主簿。淑諸子並
早卒。

史臣曰。天長地久。人道則異於斯。薜華朝露。未

足以言也。其閒天遽曾何足云。宜任心去留。不以存沒嬰心。徒以靈化悠遠。生不再來。雖天行路嶮。而未之斯遇。謂七尺常存。百年可保也。所以據洪圖而輕天下。愰寸陰而敗尺璧。若乃義重乎生。空炳前誥。投軀殉主。世罕其人。若無陽源之節。丹青何貴焉爾。

袁陽源集終

袁陽源集

卷五

一

謝法華集

題詞

謝法曹集

謝法曹集題詞

謝法曹集文字頗少惟祭古冢文簡
而有意曹子建伏軾而問髑髏辭不
逮也雪賦雖名高麗與希逸月賦僅
鴈序耳詩則秋懷擣衣二篇居最詩
品云康樂銳思無以復加若西陵遇

風則非敵矣乘流遵歸路諸篇一生
坎壈所繇今逸不存豈自悔失言先
絕其傳哉謝客四友尤莫逆者東海
何長瑜與從弟阿連長瑜輕啁僚佐
黜作流人後殞暴風阿連愛幸小吏
淪廢下位命亦不長蓋自康樂失志

知已寂寞廷尉論刑目爲反叛一二
親厚寧免輕薄之誚連卽才悟無雙
而榮華路絕同時憔悴亦物各以類
乎然芝蘭堦庭不爲父知而賞音慕
悅出于昆從嘆張華之重生惜海嶠
之初別小謝雖才得兄益顯莊惠濠

梁鍾牙流水朋友間事又烏足云

婁東張溥題

謝法曹集目錄

賦

雪賦

鵝鵝賦

白鷺賦

甘賦

橘賦

贊

仙人草贊

雪贊

四海贊

琴贊

白羽扇贊

松贊

箴

口箴

目箴

連珠

連珠四首

文

祭禹廟文

祭周居士文

祭古冢文

樂府

秋胡行二首

隴西行

豫章行

塘上行

却東西門行

代悲哉行

燕歌行

猛虎行

又

鞠歌行

前緩聲歌

長安有狹邪行

順東西門行

詩

三月三日曲水集

汎南湖至石帆

西陵遇風獻康樂

五章

代古

秋懷

擣衣

泛湖歸出樓中望月

七月七日夜詠牛女

喜雨

詠冬

讀書

離合詩二首

夜集作離合

夜集歎垂

與孔曲阿別詩

詠螺蚌

失題

附錄

本傳

謝法曹集目錄終

謝法曹集目錄

卷一

卷二

卷三

卷四

卷五

卷六

卷七

卷八

詩法曹集卷全

宋陳郡謝惠連著

明太倉張溥閱

賦

雪賦

歲將暮、時旣昏、寒風積、愁雲繁、梁王不悅、遊於
兔園、乃置旨酒、命賓友、召鄒生、延枚叟、相如未
至、居客之右、俄而微霰零、密雪下、王乃歌北風
於衛詩、詠南山於周雅、授簡於司馬大夫曰、抽

子秘思、騁子妍辭、侔色揣稱、爲寡人賦之、相如
於是避席而起、逡巡而揖曰、臣聞雪宮建於東
國、雪山峙於西域、岐昌發詠於來思、姬滿申歌
於黃竹、曹風以麻衣比色、楚謠以幽蘭儷曲、盈
尺則呈瑞於豐年、表丈則表沴於陰德、雪之時
義遠矣哉、請言其始、若乃立律窮嚴、氣升焦溪、
涸暘谷凝火、井滅溫泉、冰沸潭無涌、炎風不興、
北戶瑾扉、裸壤垂繒、於是河海生雲、朔漠飛沙、
運氛索靄、掩日韜霞、霰淅瀝而先集、雪紛糅而

遂多其爲狀也散漫交錯氛氲蕭索藹藹浮浮
漣漣奕奕聯翩飛灑徘徊委積始緣薨而冒棟
終開簾而入隙初便娟於墀廡末縈盈於帷席
旣因方而爲珪亦遇圓而成璧眇隰則萬頃同
縞瞻山則千巖俱白於是臺如重壁達似連璐
庭列瑤階林挺瓊樹皓鶴奪鮮白鵬失素紈袖
慙冶玉顏掩嫫若乃積素未虧白日朝鮮爛兮
若燭龍銜曜照崑山爾其流滴垂冰綠霑承隅
粲兮若馮夷剖蚌列明珠至夫繽紛繁驚之貌

皓汗皎潔之儀、迴散縈積之勢、飛聚凝曜之奇、
固展轉而無窮、羌難得而備知、若乃申娛玩之
無已、夜幽靜而多懷、風觸楹而轉響、月承幌而
通暉、酌湘吳之醕酎、御狐貉之兼衣、對庭鷗之
雙舞、瞻雲鴈之孤飛、折園中之萱草、摘階上之
芳薇、踐雪霜之交積、憐枝葉之相違、馳遙思於
千里、願接手而同歸、鄒陽聞之、慙然心服、有懷
妍唱、敬接末曲、於是乃作而賦積雪之歌、歌曰
攜佳人兮披重幄、援綺衾兮坐芳褥、燎薰鑪兮

炳明燭酌桂酒兮揚清曲又續而爲白雪之歌
歌曰曲旣揚兮酒旣陳朱顏醺兮思自親願低
帷以昵枕念褫珮而解紳怨年歲之易暮傷後
會之無因君甯見階上之白雪豈鮮輝於陽春
歌卒王乃尋繹吟翫撫覽扼腕顧謂枚叔起而
爲亂亂曰白羽雖白質以輕兮白玉雖白空守
貞兮未若茲雪因時興滅玄陰凝不昧其潔太
陽耀不固其節節豈我名潔豈我貞憑雲升降
從風飄零值物賦像任地班形素因遇立汙隨

染成縱心皓然何慮何營

鷓鴣賦

覽水禽之萬類，信莫麗乎鷓鴣。服昭晰之鮮姿，
糅玄黃之美色。命儔旅以翺遊，憩川湄而偃息。
超神王以自得，不意虞人之在側。網羅幕而雲
布，摧羽翮於翩翩。乖沉浮之諧豫，宛羈畜於籠
樊。

白鷺賦

有提樊而見獻，實振鷺之鮮禽。表弗緇之素質，

挺樂水之奇心

甘賦

嘉寒園之麗水，美獨有此貞芳。質葳蕤而懷風，性耿介而凌霜。擬夕霞以表色，指朝景以齊圓。倖萍實乎江介，超玉果於崑山。傾子節兮湘之區，承君翫兮堂之隅。濯雨兮冒霜，長無絕兮芬敷。

橘賦

園有嘉樹，橘柚煌煌。圓丹可翫，淑氣芬芳。受以

玉盤升君子堂，味既滋而事美實。厥苞之最良，

贊

仙人草贊

余之中園有仙人草焉、春頴其苗、夏秀其英、秋有貞實、冬無彫色、可謂貫四時而不改者也、旣嘉其名而美其質、染筆作詠、庶以攄述云、

園有嘉草、名曰仙人、曄曄煒煒、莫莫臻臻、頴發炎暑、苗秀和春、竒爾靈質、乃植中林、

雪贊

氣邇霜繁、年豐雪積、彼厲我積、爾素子白、其德

言江東集 卷八 三
懿矣、玩之庭隙、權陋瑤臺、暫踐盈尺、

四海贊

九夷六蠻、八狄七戎、雕鏤異質、裳羸殊風、致之以德、車軌斯同、

琴贊

嶧陽孤桐、裁爲鳴琴、體兼九絃、聲備五音、重華載揮、以養民心、孫登是玩、取樂山林、

白羽扇贊

惟茲白羽、體此濺灑、涼齊清風、素同冰雪、其儀

可貴是用玩悅、揮之襟袖、以禦炎熱、

松贊

松惟靈木、擬心雲端、跡絕玉除、形寄青巒、子欲
我知、求之歲寒、

箴

口箴

宣納之由實伊樞機唯舌是出馳駟安追差釐
千里君子慎微何用口爽信在甘肥

目箴

氣之清明雙眸善識惟道是視瞻彼正直

連珠

連珠四首

蓋聞獻技者易忽，養德者難致。是以子張重趺，不獲哀公之祿；干木偃息，不受文侯之位。

蓋聞機心難湛，不接異類。涓德易孚，可狎殊方。是以高羅舉而雲鳥降，海人萃而水禽翔。

蓋聞春蘭早芳，實忌鳴鵠；秋菊晚秀，無憚繁霜。何則？榮乎始者易悴，貞乎末者難傷。是以傅長沙而志沮，登金馬而名揚。

蓋聞修己知足，慮得其逸，競榮昧進，志忘其審。
是以飲河滿腹而求安，愈泰緣木務高而畏下。
滋甚。

文

祭禹廟文

謹遣左曹掾奉水土之羞、敬薦夏帝之靈、咨聖
繼天、載誕英徽、克明克哲、知章知微、運此宏謨、
卹彼民憂、身勞五岳、形疲九州、呱呱弗顧、虔虔
是欽、物貴尺璧、我重寸陰、乃錫玄圭、以告成功、
虞敷旣改、夏德乃隆、臨朝總政、巡國觀風、淹留
稽嶺、乃徂行宮、恭司皇役、敬屬暉融、神且畧薦、
乃昭其忠、

言
祭周居士文

維君陶造化之純元、侔先哲之遐蹤、體無事於
高尙、蹈虛素乎中庸、不臣天子、不事諸侯、公辟
弗眚、王命匪酬、窮歡極樂、帶索被裘、

祭古冢文

東府掘城北塹八丈餘、得古冢、上無封域、不用
塼甃、以木爲槨、中有二棺、正方、兩頭無和、明器
之屬、材瓦銅漆、有數十種、多異形、不可盡識、刻
木爲人、長三尺、可有二十餘頭、初開見、悉是人

形以物棖撥之。應手灰滅。棺上有五銖錢百餘枚。水中有甘蔗節及梅李核瓜瓣。皆浮出。不甚爛壞。銘誌不存。世代不可得而知也。公命城者改埋於東岡。祭之以豚酒。既不知其名字遠近。故假爲之號曰冥漠君云爾。

元嘉七年九月十四日。司徒御屬領直兵令史統作城錄事臨漳令亭侯朱林具豚醪之祭。敬薦冥漠君之靈。忝總徒旅。版築是司。窮泉爲壑。聚壤成基。一槨旣啓。雙棺在茲。捨畚悽愴。縱鍾

漣、而、芻、靈、已、毀、塗、車、旣、摧、几、筵、糜、腐、俎、豆、傾、低、
盤、或、梅、李、益、或、醢、醢、蔗、傳、餘、節、瓜、表、遺、犀、追、惟、
夫、子、生、自、何、代、曜、質、幾、年、潛、靈、幾、載、爲、壽、爲、天、
甯、顯、甯、晦、銘、誌、湮、滅、姓、字、不、傳、今、誰、子、後、曩、誰、
子、先、功、名、美、惡、如、何、蔑、然、百、堵、皆、作、十、仞、斯、齊、
墉、不、可、轉、壑、不、可、迴、黃、腸、旣、毀、便、房、已、頽、循、題、
興、念、撫、俑、增、哀、射、聲、垂、仁、廣、漢、流、渥、祠、骸、府、阿、
掩、骼、城、曲、仰、羨、古、風、爲、君、改、卜、輪、移、北、隍、窀、穸、
東、麓、廣、卽、新、營、館、乃、舊、木、合、葬、非、古、周、公、所、序、

敬道昔義還祔雙鳧酒以兩壺牲以特豚幽
髣髴歆我犧樽嗚呼哀哉

詩法曹集

卷全

十一

樂府

秋胡行二首

以下
四言

春日遲遲，桑何萋萋。紅桃含天，綠柳舒黃。邂逅
粲者，遵渚戲蹊。華顏易改，良願難諧。

係風捕影，誠知不得。念彼奔波，意慮迴惑。漢女
倏忽，洛神飄揚。空勤交甫，徒勞陳王。

隴西行

還有榮枯，道有舒屈。潛保黃裳，顯服朱黻。誰能
守靜棄華，辭榮窮谷。是處考槃，是營千金不廻。

百代傳名，厥包是柚。忘憂者萱，何爲有用。自乖
中原，實摘柯摧。葉殞條煩。

豫章行

以下
五言

軒帆邈遙路，薄送瞰遐江。舟車理殊緬，密友將
遠從。九里樂同潤，二華念分峰。集歡豈今發，離
歎自古鍾。促生靡緩期，迅景無遲蹤。緇髮迫多
素，憔悴謝華茸。婉婉寡留晷，窈窕閉淹龍。如何
阻行止，憤愠結心胸。旣微達者度，歡戚誰能封。
願子保淑慎，良訊代微容。

塘上行

芳萱秀陵阿，菲質不足營。幸有忘憂用，移根託君庭。垂穎臨清池，擢彩仰華甍。霑渥雲雨潤，歲蕤吐芳馨。願君眷傾葉，留景惠餘明。

却東西門行

慷慨發相思，惆悵戀音徽。四節競闌候，六龍引頽機。人生隨時變，遷化焉可祈。百年難必保，千慮盈懷之。

代悲哉行

樂府作惠連，鮑照集亦載此。

羈人感淑節。緣感欲回轍。我行詎幾時。華實驟
舒結。覩實情有悲。瞻華意無悅。覽物懷同志。如
何復乖別。翩翩翔禽羅。關關鳴鳥列。翔鳴常疇
偶。所歎獨乖絕。

燕歌行

七言

四時推遷迅不停。三秋蕭瑟葉解輕。飛霜被野
鴈南征。念君客遊羈思盈。何爲淹留無歸聲。愛
而不見。傷心。情。朝日潛輝華燈明。林鵲同栖渚
鳴。午。妾。羽。禺。羽。衣。蓬。嬴。九。衣。衣。頭。目。和。鳥。余。蜀。

猛虎行

以下
雜言

貧不攻九嶷玉。倦不憩三危峰。九嶷有惑號。三危無安容。美物標貴用。志士勵奇蹤。如何祇遠役。王命宜肅恭。伐鼓功未著。振旅何時從。

又

猛虎潛深山。長嘯自生風。人謂客行樂。客行若心傷。

鞠歌行

射法曹集

卷全

樂府

七

言
翔馳騎千里姿伯樂不舉誰能知南荆璧萬金
貲卞和不斲與石離年難留時易隕厲志莫賞
徒勞疲沮齊音溺趙吹匠石善運郢不危古綿
眇理參差單心慷慨雙淚垂

前緩聲歌

羲和織阿去嗟哉觀物知命使余轉欲悲歌憂
戚入心胸處山勿居峰在行勿爲公居峰太阻
銳爲公遇讒蔽雅琴自疎越雅韻能揚揚滑滑
相混同終始福祿豐

長安有狹邪行

紀郢有通達、通達並軒車、帟帟雕輪馳、軒軒翠蓋舒、撰策之五尹、振轡從三閭、推劒馮前軾、鳴佩專後輿、

順東西門行

哀朝菌、閔頽力、遷化常然焉、肯息及壯齒、遇世直、酌酪華堂集親識、舒情盡歡遣悽惻、

山陰縣志定章野橋橋前故道通對對

是時前臨臨心王其常無行有息天悲過也

即身而無言

湖廣志

五州府志卷之五十四 三州縣志

山陰縣志定章野橋橋前故道通對對

詩

三月三日曲水集

以下
五言

四時著平分三春稟融爍遲遲和景婉天天園
桃灼携朋適郊野昧爽辭鄺鄺蜚雲興翠嶺芳
颿起華薄解轡偃崇邱藉草繞迴壑際渚羅時
簌託波汎輕爵

汎南湖至石帆

軌息陸塗初柅鼓川路始漣漪繁波漾參差層
峰峙蕭疎野趣生逶迤白雲起登陟苦跋涉瞬

詩法集 卷八
三
眄樂心耳，卽翫翫有竭，在興興無已。

西陵遇風獻康樂

五章

我行指孟春，春仲尚未發。趣途遠有期，念離情
無歇。成裝候良辰，漾舟陶嘉月。瞻途憶少悵，還
顧情多闕。

哲兄感此別，相逸越垌林。飲餞野亭館，分袂澄
湖陰。悽悽留子言，眷眷浮客心。廻塘隱艫棧，遠
望絕形音。

靡靡卽長路，戚戚抱遥悲。悲遥但自弭，路長當

詩作問誰行行道轉遠去去情彌遠

訥今宿浙江湄

屯雲蔽曾嶺驚風湧飛流零雨潤墳澤落雪灑

林邱浮氛晦崖巖積素惑原疇曲汜薄停旅五臣

作依通川絕行舟

臨津不得濟伫楫阻風波蕭條洲渚際氣色少

諧和西瞻五臣作矚興游歎東睇起悽歌積憤成疢

痗無萱將如何

代古

一作擬客從遠方來

客從遠方來、贈我鵠文綾、貯以相思篋、緘以同心繩、裁爲親身服、著以俱寢興、別來經年歲、歡心不可凌、瀉酒置井中、誰能辨斗升、合如杯中水、誰能判淄澠、

秋懷

平生無志意、少小嬰憂患、如何乘苦心、矧復值秋晏、皎皎天月明、奕奕河宿爛、蕭瑟含風蟬、寥唳度雲鴈、寒商動清閨、孤燈暖幽幔、耿介繁慮積、展轉長宵半、夷兪難預謀、倚伏昧前筭、雖好

相如達不同。長卿慢頗悅。鄭生偃無取。白衣官
未知古人心。且從性所玩。賓至可命觴。朋來當
染翰。高臺驟登踐。清波時陵亂。頽魄不再圓。傾
羲無兩旦。金石終銷毀。丹青暫彫煥。各勉玄髮
歡。無貽白首歎。因歌遂成賦。聊用布親串。

擣衣

衡紀無淹度。晷運倏如催。白露滋園菊。秋風落
庭槐。蕭蕭莎雞羽。烈烈寒螿啼。夕陰結空幕。宵
月皓中閨。美人戒裳服。端飾相招攜。簪玉出北

房、鳴、金、步、南、階、欄、高、砧、響、發、楹、長、杵、聲、哀、微、芳、
起、兩、袖、輕、汗、染、雙、題、紉、素、旣、已、成、君、子、行、未、歸、
裁、用、筭、中、刀、縫、爲、萬、里、衣、盈、篋、自、余、手、幽、絨、候、
君、開、腰、帶、准、疇、昔、不、知、今、是、非、

泛湖歸出樓中望月

日、落、泛、澄、瀛、星、羅、遊、輕、橈、憩、榭、面、曲、汜、臨、川、對、
迴、潮、輟、策、共、駢、筵、並、坐、相、招、要、哀、鴻、鳴、沙、渚、悲、
猿、響、山、椒、亨、亨、映、江、月、颺、颺、出、谷、颺、斐、斐、氣、羃、
由、立、立、露、盈、條、近、屬、法、幽、蘊、遠、視、蕩、誼、囂、晤、言、

不知罷從久至清朝

七月七日夜詠牛女

落日隱欄楹，升月照簾。玉臺作房櫳，團團滿葉露，析

析振條風，蹀足循廣除。瞬目矚曾窮，雲漢有靈

匹，彌年闕相從。遐川阻暱愛，脩渚曠清容。弄杼

不成藻，聳轡驚前蹤。昔離秋已兩，今聚夕無雙。

傾河易迴幹，欸情玉臺作顏難久悰。沃若靈駕旋，寂

寥雲幄空。留情顧華寢，遙心逐奔龍。沈吟爲爾

感情深意彌重。

喜雨

朱明振炎氣，溽暑扇溫颺。羨彼明月輝，離畢經中宵。思此西郊雲，旣雨盈崇朝。上天愍憔悴，商羊自吟謠。

詠冬

藝文新本字譌作靈運考舊本正之

七宿乘運曜，三星與時滅。履霜冰彌堅，積寒風愈切。繁雲起重陰，迴颺流輕雪。園林粲斐皓，庭除秀皎潔。墀瑣有凝沍，逵衢無通轍。

讀書

賁園奚足慕，下帷故宜遵。山成猶一簣，崇積始微塵。虞軒雖眇莽，顏隰亦何人。

離合詩二首

放棹遵遙途，方與情人別。嘯歌亦何言，肅爾凌

霜節。

各字

夫人皆薄離，二友獨懷古。思篤子衿詩，山

當作三

川何足苦。

念字

夜集作離合

四坐宴嘉賓，一客自遠臻。九言何所戒，十善故

宜遵

夜集歎乖

詩人咏踟躕、搔首歌離別、誠哉曩日歡、展矣今
夕切、吾生赴進令、質明卽行轍、在貧故宜言贈、
子保溫惠、曷用書諸紳、久要亮有誓、

與孔曲阿別詩

淒淒乘蘭秋、言餞千里舟、塗屆雲陽邑、邑宰有
昔遊、行人雖念路、爲爾暫淹留、

輕羽不高翔自用弦羅縠鱗惑芳飢故爲金
所加螺蚌非有心沈迹在泥沙文無雕飾用味
非鼎俎和

失題

見藝文
言志類

夕坐若多慮行歌踐閨中房櫳引傾月步檐結
春風

本傳

謝惠連年十歲能屬文族兄靈運加賞之云每有篇章對惠連輒得佳語嘗於永嘉西堂思詩竟日不就忽夢見惠連卽得池塘生春草大以爲工嘗云此語有神功非吾語也本州辟主簿不就惠連先愛幸會稽郡史杜德靈及居父憂贈以五言詩十餘首乘流遵歸路諸篇是也坐廢不豫榮位尚書僕射殷景仁愛其才言次白文帝言臣小兒時便見此文而論者云是惠連

其實非也。又帝曰：「若此，便應通之。」元嘉七年，方爲司徒彭城王義康法曹行參軍。義康修東府城，塹中得古冢，爲之改葬，使惠連爲祭文，留信侍成其文，甚美。又爲雪賦，以高麗見奇，靈運見其新文，每曰：「張華重生，不能易也。」文章並行於世。年三十七卒。旣早亡，輕薄多尤累，故官不顯，無子。



